

SLUŽBENI GLASNIK

OPŠTINE DRVAR

Bosna i Hercegovina
FEDERACIJA BOSNE I HERCEGOVINE
KANTON 10
OPŠTINA DRVAR
DRVAR

Prilijeno: 23.05.2024		
Org. jed.		
INFO-70/24		

GODINA XVII

BROJ 3

DRVAR, Četvrtak, 23.05.2024. godine

38

OPŠTINSKO VIJEĆE

37

Na osnovu člana 7. stavka 2. Zakona o budžetima u Federaciji Bosne i Hercegovine ("Službene novine Federacije BiH", broj 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25/22), člana 13. Zakona o načelima lokalne samouprave u Federaciji Bosne i Hercegovine ("Službene novine Federacije BiH" br. 49/06 i 51/09), člana 121. Statuta Opštine Drvar-Prečišćeni tekst ("Službeni glasnik Opštine Drvar, broj 2/15), Opštinsko vijeće Drvar na 21. sjednici održanoj dana 18.04.2024. godine, donijelo je

ODLUKU

O IZMJENAMA I DOPUNAMA ODLUKE o izvršenju Budžeta Opštine Drvar za 2024.godinu

Član 1.

U Odluci o izvršenju budžeta Opštine Drvar za 2024. godinu ("Službeni glasnik Opštine Drvar", broj 1/24) član 20. mijenja se i glasi:

Član 20.

Osnovica i vrijednost boda za obračun plata zaposlenika u Jedinstvenom opštinskom organu uprave Opštine Drvar za 2024. godinu je utvrđena Sporazumom zaključenim između Opštinskog načelnika i Sindikalne organizacije Opštine Drvar i iznosi 385,00 KM a vrijednost boda 1,00 i primjenjivaće se za fiskalnu 2024. godinu."

Član 2.

Ova Odluka stupa na snagu osmog dana od dana objavljivanja u "Službenom glasniku Opštine Drvar", a objaviće se i na Oglasnoj table Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-986-1/24
Drvar, 18.04.2024. godine

Na osnovu člana 42. stav 2. alineja 18. Statuta Opštine Drvar - prečišćeni tekst ("Službeni glasnik Opštine Drvar", broj 2/15), člana 81. stav 3. Zakona o osnovnom školstvu ("Narodne novine HBŽ", broj: 2/04 i 12/08), Opštinsko vijeće Drvar na 21. sjednici održanoj dana 18.04.2024.godine donijelo je

ODLUKU

o davanju saglasnosti na Odluku o izboru kandidata za ravnatelja/direktora Osnovne škole „Drvar“ Drvar

Član 1.

Opštinsko vijeće Drvar daje saglasnost na Odluku Školskog odbora Osnovne škole „Drvar“ Drvar o izboru kandidata za ravnatelja/direktora škole, broj: 535-2/23 od 12.12.2023.godine.

Odlukom iz stava 1. ovog člana za ravnatelja/direktora Osnovne škole „Drvar“ Drvar izabrana je Bojana Zorić, profesor srpskog jezika i književnosti na mandatni period od 4 (četiri) godine.

Član 2.

Ova Odluka stupa na snagu osmog dana od dana objavljivanja u „Službenom glasniku Opštine Drvar“, a objaviće se i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-4134-1/24
Drvar, 18.04.2024. godine

39

Na osnovu člana 98. zakona o socijalnoj zaštiti („Narodne novine HBŽ“, broj: 5/98 i 6/23) i člana 42. stav 2. alineja 16. Statuta Opštine Drvar-Prečišćeni tekst („Službeni glasnik Opštine Drvar“, broj: 2/15), Opštinsko vijeće Drvar, na 21.sjednici održanoj 18.04.2024.godine, donijelo je

ODLUKU
o osnivanju Javne ustanove
„Centar za socijalni rad Drvar“

1. OPŠTE ODREDBE

Član 1.

Ovom Odlukom osniva se Javna ustanova Centar za socijalni rad Drvar (u daljem tekstu: Centar). Ustanova se osniva za obavljanje poslova socijalne zaštite utvrđenih Zakonom o socijalnoj zaštiti („Narodne novine HBŽ“, broj: 5/98) i drugim propisima ili opštim aktima, te za obavljanje stručno-analitičkih i drugih poslova za potrebe opštine, drugih organizacija i zajednica.

Član 2.

Naziv Centra iz člana 1. ove odluke je Javna ustanova „Centar za socijalni rad Drvar“.

Skraćeni naziv Centra je: JU „Centar za socijalni rad Drvar“.

Osnivač Centra je Opština Drvar.

Sjedište Centra je u Drvaru, na adresi Ulica Titova, broj: 1.

Član 3.

Centar ima svojstvo pravnog lica i upisuje se u sudski registar.

Član 4.

Centar ne može mjenjati naziv, sjedište, djelatnost i statut bez saglasnosti Opštinskog vijeća Drvar.

Član 5.

Centar ima pečat okruglog oblika promjera 40 mm, s ćirilničnim i latiničnim tekstom upisanim u koncentričnim krugovima: Javna ustanova „Centar za socijalni rad Drvar“.

2. DJELATNOST CENTRA

Član 6.

Centar u vršenju poslova socijalne zaštite:

- rješava u prvom stepenu o pravima iz socijalne zaštite, porodičnopravne i

- krivičnopravne zaštite i drugim pravima u skladu sa posebnim zakonom,
- provodi izvršenje svojih rješenja,
- izdaje uvjerenja i potvrde,
- vodi propisane uvidaje,
- daje podatke o porodičnim prilikama, te mišljenja i prijedloge u sudskim postupcima koji se odnose na porodičnopravnu i krivičnopravnu zaštitu,
- učestvuje kao stranka ili umještač pred sudom ili drugim državnim organima kada se radi o zaštiti ličnih interesa djece i drugih članova porodice koji se ne mogu brinuti o sebi ni o svojim pravima i interesima i
- obavlja nadzor na udomiteljskim porodicama.

Centar na osnovu javnih ovlaštenja može obavljati i poslove zbrinjavanja djece odbjegle iz porodice ili ustanove, provoditi vaspitne mjere nad djecom sa poremećajima u ponašanju izvan vlastite porodice ili s boravkom u porodici, te pružati pomoć i negu u kući.

Osim javnih ovlaštenja, Centar obavlja i druge stručne poslove:

- podstiče, organizuje i provodi aktivnosti sa svrhom sprječavanja i suzbijanja socijalnih, porodičnih i ličnih problema,
- obavlja stručno-analitičke poslove,
- podstiče i razvija samopomoć, dobrosusjedsku pomoć, dobrovoljni rad, dobrotvorne i druge djelatnosti,
- predlaže mjere unaprijeđenja politike socijalne zaštite,
- predlaže, podstiče i usklađuje druge aktivnosti u oblasti socijalne zaštite na lokalnom nivou i
- obavlja druge poslove utvrđene zakonom i statutom Centra i obavlja druge poslove predviđene Federalnim i/ili Kantonalnim zakonima kojima se uređuje socijalna zaštita.

Član 7.

Centar organizuje i obavlja djelatnost savjetovaništa za probleme braka i porodice, vaspitne probleme maloljetnika, delinkvencije, skitnje, zavisnosti o alkoholu i drugim vrstama zavisnosti.

Centar, kao organ starateljstva, obavlja poslove organa starateljstva utvrđene zakonom kojim se uređuju porodični odnosi.

3. FINANSIRANJE CENTRA

Član 8.

Sredstva za ostvarivanje prava, potreba i interesa, Centar osigurava iz budžeta opštine i drugih izvora u skladu sa zakonom.

Član 9.

Zaposlenici Centra stižu dohodak u okviru opštinskog budžeta.

Član 10.

Centar podnosi izvještaj o svom radu, o provođenju zadovoljavanja potreba u oblasti socijalne zaštite, ostvarivanje prava korisnika socijalne zaštite, o sredstvima i rashodima osnivaču Opštinskom vijeću i resornom ministarstvu.

4. UPRAVLJANJE CENTROM**Član 11.**

Centrom upravlja i rukovodi direktor. Direktora imenuje i razrješava Opštinsko vijeće Drvar na osnovu javnog konkursa, a mandat direktora traje četiri (4) godine i može biti ponovo biran.

Član 12.

Centar ima stručno vijeće kojeg čine svi stručni zaposlenici Centra.

Stručno vijeće raspravlja i direktoru daje mišljenje i prijedloge o:

- stručnim pitanjima koja se odnose na utvrđenu djelatnost, u sklopu nadležnosti utvrđenih zakonom i drugim propisima,
- organizaciji Centara i filijala,
- najsloženijim stručnim pitanjima vezanim za ostvarivanje prava i drugih djelatnosti Centra u pojedinim slučajevima,
- potrebi dodatnog stručnog usavršavanja i
- drugim pitanjima utvrđenim statutom.

Član 13.

Unutrašnja organizacija Centra, kao i broj i vrsta stručnih organa, njihov sastav, djelokrug i način rada uređuje se Statutom i drugim internim aktima a u skladu sa zakonom kojim je uređena oblast socijalne zaštite.

4. PRELAZNE ODREDBE**Član 14.**

- (1) Protekom roka od 60 dana od dana upisa Centra u registar, Centar preuzima sve poslove od opštinske službe za za opštu upravu i društvene djelatnosti u skladu sa članom 6. ove Odluke.
- (2) Sa stanjem na dan preuzimanja poslova iz stava 1. ovog člana, nadležna opštinska služba je dužna da zaključiti

evidencije o svim svojim službenim aktima koji se odnose na poslove koje preuzima Centar, izvrši njihov popis i preda ih u sređenom stanju Centru u roku od 15 dana od dana preuzimanja poslova.

- (3) Primopredaja službenih akata iz stava 2. ovog člana izvršiće tročlana komisija koju će imenovati Opštinski načelnik u roku od tri dana od dana preuzimanja poslova od strane Centra od predstavnika Centra i nadležne opštinske službe.
- (4) Centar je dužan, da u roku od 60 dana od preuzimanja poslova iz stava 1. ovog člana, po službenoj dužnosti, provede postupak preispitivanja odluka o starateljstvu.

5. ZAVRŠNE ODREDBE**Član 15.**

(1) Opštinsko vijeće će na prijedlog Opštinskog načelnika ovlastiti osobu koja će izvršiti sve radnje neophodne za registraciju Centra.

(2) Opštinsko vijeće će po dostavljenom izvještaju osobe o realizaciji radnji iz stava (1) ovog člana u roku od 30 dana izvršiti imenovanje prvog vršioca dužnosti direktora.

(3) Imenovanje iz prethodnog stava izvršiće se na prijedlog Opštinskog načelnika.

Član 16.

Nadzor nad radom i poslovanjem Centra obavlja Opštinski načelnik sa službama za upravu i ministarstvo nadležno za poslove socijalne zaštite.

Član 17.

Direktor Centra za socijalni rad pripremiće prijedlog Statuta u roku 30 dana od dana imenovanja, te izvršiti poslove u vezi s osnivanjem Centra.

Član 18.

Upisom Centra u registar, odnosno ispunjenjem uslova za pocetak rada prestaju da važe sve odredbe Odluke o organizaciji i djelokrugu rada Jedinog opštinskog organa uprave opštine Drvar („Službeni glasnik Opštine Drvar“ broj: 8/16) koje su u suprotnosti sa odredbama ove odluke.

Član 19.

Ova Odluka stupa na snagu osmog dana od dana objavljivanja u „Službenom glasniku Opštine Drvar“, a objaviće se i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1153-1/24
Drvar, 18.04.2024.godine

40

Na osnovu člana 2.4. stav (1), člana 2.12 stav (6) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22 i 67/22), člana 13. stav 1., stav 2. alineja 18. Zakona o principima lokalne samouprave u Federaciji Bosne i Hercegovine ("Službene novine F BiH", broj: 49/06), člana 42. stav 2. alineja 18. i člana 49. stav 3. Statuta Opštine Drvar – Prečišćeni tekst, ("Službeni glasnik Opštine Drvar", broj:2/15), Opštinsko vijeće Drvar na 21.sjednici održanoj dana 18.04.2024.godine donijelo je

ODLUKU o razrješenju predsjednika i članova Opštinske izborne komisije Drvar

Član 1.

Zbog isteka mandata i ostavki na dužnost predsjednika i članova Opštinske izborne komisije Drvar, razrješavaju se :

1. NENA BOSNIĆ, dužnosti člana, predsjednika Opštinske izborne komisije,

2. MIROSLAV KRISTIĆ, dužnosti člana Opštinske izborne komisije i

3. ANDREJA BOSNIĆ, dužnosti člana Opštinske izborne komisije.

Član 2.

Ova Odluka stupa na snagu danom davanja pisane saglasnosti Centralne izborne komisije Bosne i Hercegovine na ovu Odluku, a objaviće se u „Službenom glasniku Opštine Drvar“ i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1157-1/24
Drvar, 18.04.2024.godine

40 a

Na osnovu člana 2.9 stav (1) tačka 19. i člana 2.12 stav (6) Izbornog zakona Bosne i Hercegovine

("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 1/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 195. stav (1) Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Drvar u predmetu razrješenja članova Općinske izborne komisije Drvar, Centralna izborna komisija Bosne i Hercegovine je na 23. sjednici, koja je održana 16.05.2024. godine, donijela

RJEŠENJE

Daje se saglasnost na Odluku Općinskog vijeća Drvar broj: 01-02-1157-1/24 od 18.04.2024. godine, kojom se dužnosti u članstvu Općinske izborne komisije Drvar, zbog isteka mandata i podnesenih ostavki, razrješavaju:

1. Nena Bosnić, predsjednica i članica
2. Miroslav Kristić, član
3. Andreja Bosnić, članica

O b r a z l o ž e n j e


Općinsko vijeće Drvar je aktom broj: 01-02-1157-1/24 od 23.04.2024. godine dostavilo zahtjev za saglasnost Centralne izborne komisije BiH na Odluku broj: 01-02-1157-1/24 od 18.04.2024. godine o razrješenju predsjednice i članova Općinske izborne komisije Drvar Nene Bosnić, Miroslava Kristića i Andreje Bosnić, iz razloga isteka mandata i podnesenih ostavki na dužnost u članstvu Općinske izborne komisije Drvar.

Centralnoj izbornoj komisiji BiH su 18.03.2024. godine dostavljene ostavke predsjednice i članova Općinske izborne komisije Drvar Nene Bosnić, Miroslava Kristića i Andreje Bosnić.

S tim u vezi, Centralna izborna komisija Bosne i Hercegovine je, na osnovu člana 2.9 stav (1) tačka 19. i člana 2.12 stav (6) Izbornog zakona Bosne i Hercegovine, odlučila kao u dispozitivu ovog Rješenja.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Broj: 06-1-07-1-95/24
Sarajevo, 16.05.2021.godine



41

Na osnovu člana 2.12. stav (5) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22), člana 10. stav (11) i člana 11. stav (1) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21, 13/22, i 78/23), člana 42. Statuta Opštine Drvar – Prečišćeni tekst ("Službeni glasnik Opštine Drvar", broj: 2/15), Opštinsko vijeće Drvar na 21.sjednici održanoj 18.04.2024.godine, donijelo je

ODLUKU o imenovanju 2 (dva) člana Opštinske izborne komisije Drvar

Član 1.

IMENUJU SE 2 (dva) člana Opštinske izborne komisije Drvar u sastavu:

- 1. JELENA ZELJKOVIĆ**, član i predsjednik Komisije,
- 2. MILAN VEKIĆ**, član.

Član 2.

Mandat članova Opštinske izborne Komisije Drvar traje 7 (sedam) godina i teče od dana davanja saglasnosti na ovu Odluku od strane Centralne izborne komisije BiH.

Član 3.

Ova Odluka stupa na snagu danom donošenja, a primjenjivaće se od dana dobijanja saglasnosti Centralne izborne komisije BiH i biće objavljena u "Službenom glasniku Opštine Drvar" i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krmeta, s.r.

Broj: 01-02-1192-1/24
Drvar, 18.04.2024.godine

41 a

Na osnovu člana 2.9 stav (I) tačka 19. i člana 2.12 stav (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 195. stav (I) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Drvar za davanje saglasnosti na imenovanje članova i predsjednika Općinske izborne komisije Drvar, Centralna izborna komisija Bosne i Hercegovine je na 23. sjednici, koja je održana 16.05.2024. godine, donijela

RJEŠENJE

(I) Ne daje se saglasnost na Odluku Općinskog vijeća Drvar broj: 01-02-1192-1/24 od 18.04.2024. godine, u dijelu kojim se na dužnost u članstvu Općinske izborne komisije Drvar, imenuje:

1. Jelena Zeljković, predsjednica i članica

(2) Potrebno je da Općinsko vijeće Drvar u skladu s članom 2.12 stav (5) i 2.15 stav (2) Izbornog zakona BiH u roku od 7 dana izvrši imenovanje jednog člana Općinske izborne komisije Drvar prema javnom oglasu broj: 01-02-663/24 od 28.T.2024. godine i rang-listi konkursne komisije, te predsjednika Općinske izborne komisije Drvar iz reda imenovanih članova.

O b r a z l o ž e n j e

Općinsko vijeće Drvar je aktom broj: 01-02-1192-2/24 od 24.04.2024. godine dostavilo zahtjev za saglasnost Centralne izborne komisije BiH na Odluku broj: 01-02-1192-1/24 od 18.04.2024. godine kojom se između ostalog na dužnost predsjednice i članice Općinske izborne komisije Drvar imenuje Jelena Zeljković, uz koji je priložena dokumentacija u smislu člana 13. stav (I) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 67/21, 73/21, 1/22, 13/22 i 78/23) (u daljem tekstu: Uputstvo).

Centralna izborna komisija Bosne i Hercegovine je, razmatrajući dokumentaciju koju je dostavilo Općinsko vijeće Drvar utvrdila da je Jelena Zeljković kandidatkinja političkog subjekta Savez nezavisnih socijaldemokrata SNSD-Milorad Dodik na Lokalnim izborima 2020. godine za Općinsko vijeće Drvar, čime imenovana kandidatkinja ne ispunjava uslove iz člana 2.3 stav (I) tačka 4. Izbornog zakona BiH.


Članom 2.3 stav (I) tačka 4. Izbornog zakona BiH je propisano da za člana biračkog odbora ili izborne komisije, osim Centralne izborne komisije BiH, ne

može biti imenovano lice koje je aktuelni kandidat ili je bio kandidat za bilo koji nivo vlasti na posljednjim općim i posljednjim lokalnim izborima.

Kako je članom 13. stav (2) Uputstva propisano da Centralna izborna komisija Bosne i Hercegovine daje pisanu saglasnost na odluku o imenovanju članova izborne komisije, ukoliko su ispoštovane procedure iz člana 7, 8, 9, 10. i 13. stav (1) Uputstva i ukoliko izabrani kandidat ispunjava propisane uslove, to je primjenom člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine i člana 13. stav (2) Uputstva, riješeno kao u dispozitivu.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa i (2) Izbornog zakona Bosne i Hercegovine.

Broj: 06-1-07-1-95/24
Sarajevo, 16.05.2024.godine



Na osnovu člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 1/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 195. stav (1) Zakona o upravnom postupku ("Službeni glasnik BiH", br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Drvar za davanje saglasnosti na imenovanje članova i predsjednika Općinske izborne komisije Drvar, Centralna izborna komisija Bosne i Hercegovine je na 23. sjednici, koja je održana 16.05.2024. godine, donijela

RJEŠENJE

Daje se saglasnost na Odluku Općinskog vijeća Drvar broj: 01-02-1192-1/24 od 18.04.2024. godine, u dijelu kojim se na dužnost u članstvu Općinske izborne komisije Drvar, imenuje:

1. Milan Vekić, član

Obrazloženje


Općinsko vijeće Drvar je aktom broj: 01-02-1192-2/24 od 24.04.2024. godine dostavilo zahtjev za saglasnost Centralne izborne komisije BiH na Odluku broj: 01-02-1192-1/24 od 18.04.2024. godine kojom se između ostalog na dužnost člana Općinske izborne komisije Drvar imenuje Milan Vekić, uz koji je priložena dokumentacija u smislu člana 13. stav (1) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 67/21, 73/21, 1/22, 13/22 i 78/23) (u daljem tekstu: Uputstvo).

Centralna izborna komisija Bosne i Hercegovine je, razmatrajući dokumentaciju koju je dostavilo Općinsko vijeće Drvar utvrdila da je Općinsko vijeće Drvar postupilo u skladu s odredbom člana 2.12 stav (5) Izbornog zakona Bosne i Hercegovine i da imenovani član Općinske izborne komisije Drvar ispunjava uslove propisane Izbornim zakonom Bosne i Hercegovine i Uputstvom.

Kako je članom 13. stav (2) Uputstva propisano da Centralna izborna komisija Bosne i Hercegovine daje pisanu saglasnost na odluku o imenovanju članova izborne komisije, ukoliko su ispoštovane procedure iz člana 7, 8, 9, 10. i 13. stav (1) Uputstva i ukoliko izabrani kandidat ispunjava propisane uslove, to je primjenom člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine i člana 13. stav (2) Uputstva, riješeno kao u dispozitivu.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Broj: 06-1-07-1-95/24
Sarajevo, 16.05.2024.godine



42

Na osnovu člana 2.15. stav (2) Izbornog zakona Bosne i Hercegovine ("Službeni glasnik BiH", broj: 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22 i 51/22), člana 11. stav (2) Uputstva o utvrđivanju kvalifikacija, broju, imenovanju, obuci i razrješenju članova izborne komisije osnovne izborne jedinice u Bosni i Hercegovini („Službeni glasnik BiH“, broj: 67/21, 73/21, 13/22 i 78/23), člana 42. Statuta Opštine Drvar – Prečišćeni tekst ("Službeni glasnik Opštine Drvar", broj: 2/15), Opštinsko vijeće Drvar na 21.sjednici održanoj 18.04.2024. godine, donijelo je

O D L U K U
o imenovanju zamjenskog člana
Opštinske izborne komisije Drvar
Član 1.

Za zamjenskog člana Opštinske izborne komisije Drvar **IMENUJE SE:**
KREŠIMIR RAJKOVIĆ, član.

Član 2.

Mandat zamjenskog člana Opštinske izborne komisije Drvar traje do izbora novog člana po postupku propisanom članom 2.12. stav 5. Izbornog zakona BiH.

Član 3.

Ova odluka stupa na snagu danom donošenja, a primjenjivaće se od dana dobijanja saglasnosti Centralne izborne komisije BiH, a objaviće se u "Službenom glasniku Opštine Drvar" i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1197-1/24
Drvar, 18.04.2024.godine

42 a

Na osnovu člana 2.9 stav (1) tačka 19. i člana 2.15 stav (2) Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24) i člana 195. stav (1) Zakona o upravnom postupku („Službeni glasnik BiH“, br. 29/02, 12/04, 88/07, 93/09, 41/13 i 53/16), postupajući po zahtjevu Općinskog vijeća Drvar za davanje saglasnosti na imenovanje zamjenskog člana Općinske izborne

komisije Drvar, Centralna izborna komisija Bosne i Hercegovine je na 23. sjednici, koja je održana 16.05.2024. godine, donijela

R J E Š E N J E

(1) Ne daje se saglasnost na Odluku Općinskog vijeća Drvar broj: 01-02-1197-1/24 od 18.04.2024. godine, kojom se na dužnost u članstvu Općinske izborne komisije Drvar, imenuje:

1. Krešimir Rajković, zamjenski član

(2) Potrebno je da Općinsko vijeće Drvar u skladu s članom 2.15 stav (2) Izbornog zakona BiH u roku od 7 dana izvrši imenovanje jednog zamjenskog člana Općinske izborne komisije Drvar, bez provođenja postupka izbora propisanog članom 2.12 stav (5) Izbornog zakona BiH.

Obrazlož e n j e

Općinsko vijeće Drvar je aktom broj: 01-02-1197-2/24 od 24.04.2024. godine dostavilo zahtjev za saglasnost Centralne izborne komisije BiH na Odluku broj: 01-02-1197-1/24 od 18.04.2024. godine kojom se na dužnost zamjenskog člana Općinske izborne komisije Drvar imenuje Krešimir Rajković, uz koji je priložena dokumentacija za kandidata u smislu člana 13. stav (1) Uputstva o utvrđivanju kvalifikacija, broja, imenovanju, obuci i razrješenju članova izborne komisije osnovne izborne jedinice u Bosni i Hercegovini ("Službeni glasnik BiH", br. 67/21, 73/21, 1/22, 13/22 i 78/23) (u daljem tekstu: Uputstvo).


Centralna izborna komisija Bosne i Hercegovine je, razmatrajući dokumentaciju koju je dostavilo Općinsko vijeće Drvar utvrdilo da je Krešimir Rajković kandidat političkog subjekta Hrvatska demokratska zajednica 1990, na Lokalnim izborima 2020. godine, za Općinsko vijeće Drvar, čime imenovani kandidat ne ispunjava uslove iz člana 2.3 stav (1) tačka 4. Izbornog zakona BiH.

Članom 2.3 stav (1) tačka 4. Izbornog zakona BiH je propisano da za člana biračkog odbora ili izborne komisije, osim Centralne izborne komisije BiH, ne može biti imenovano lice koje je aktuelni kandidat ili je bio kandidat za bilo koji nivo Vlasti na posljednjim općim i posljednjim lokalnim izborima.

Kako je članom 13. stav (2) Uputstva propisano da Centralna izborna komisija Bosne i Hercegovine daje pisanu saglasnost na odluku o imenovanju članova izborne komisije, ukoliko su ispoštovane procedure iz člana 7, 8, 9, 10. i 13. stav (1) Uputstva i ukoliko izabrani kandidat ispunjava propisane uslove, to je primjenom člana 2.9 stav (1) tačka 19. i člana 2.12 stav (5) Izbornog zakona Bosne i Hercegovine i člana 13. stav (2) Uputstva, riješeno kao u dispozitivu.

Pravna pouka: Protiv ovog Rješenja dozvoljena je žalba. Žalba se podnosi Apelacionom odjelu Suda Bosne i Hercegovine u roku od dva dana od dana prijema ovog Rješenja preko Centralne izborne komisije Bosne i Hercegovine u skladu sa članom 6.9 stav (1) i (2) Izbornog zakona Bosne i Hercegovine.

Broj: 06-1-07-1-95/24
Sarajevo, 16.05.2024.godine



43

Na osnovu člana 363. Zakona o stvarnim pravima ("Službene novine Federacije BiH", broj: 66/13), člana 42. stav 2. alineja 4. Statuta Opštine Drvar – Prečišćeni tekst ("Službeni glasnik Opštine Drvar", broj: 2/15), Opštinsko vijeće Drvar na 21. sjednici održanoj 18.04.2024.godine donijelo je

O D L U K U
o visini naknade za m² gradskog
građevinskog zemljišta u Opštini Drvar za
2024. godinu

Član 1.

Ovom Odlukom određuje se način utvrđivanja naknade za m² gradskog građevinskog zemljišta u vlasništvu Opštine Drvar, u postupcima javne prodaje, utvrđivanja vlasništva kod legalizacije bespravno izgrađenih objekata, u postupcima zakupa, prava služnosti i prava građenja.

Član 2.

Naknada odnosno cijena gradskog građevinskog zemljišta po m² se utvrđuje na osnovu položajne pogodnosti, obima i stepena izgrađenosti, opremljenosti zemljišta komunalnim instalacijama, saobraćajne povezanosti I sl. i zone u kojoj se nalazi.

Zone gradskog građevinskog zemljišta i ostalog građevinskog zemljišta definisane su Odlukom o građevinskom zemljištu ("Službeni glasnik Opštine Drvar", broj: 7/19).

Član 3.

Naknada iz člana 1. ove Odluke utvrđuje se na osnovu elaborata/mišljenja sudskog vještaka za svaku pojedinu građevinsku parcelu.

Visina naknade ne može biti manja od utvrđene naknade za eksproprisano zemljište utvrđene prema zonama.

Član 4.

Naknada utvrđena u skladu sa članom 3. ove Odluke se primjenjuje prema slijedećem:

- a. u visini od 100 % u postupcima licitacije, kod prodaje, utvrđena kao početna cijena,
- b. u visini od 100 % u postupcima utvrđivanja prava vlasništva kod legalizacije kao prodajna cijena,
- c. u visini 20 % u postupku licitacije, kod zasnivanja prava građenja, utvrđena kao početna cijena ,
- d. u visini od 20 % za zasnivanje prava služnosti, a ne može biti niža od 0,2 KM/m² i
- e. u visini od 10 % za zasnivanje zakupa.

Član 5.

Visina naknade iz člana 2. ove Odluke usklađivaće se u toku godine prema potrebi ovisno o promjenama na tržištu nekretnina.

Član 6.

Ova Odluka stupa na snagu osmog dana od dana objavljivanja u "Službenom glasniku Opštine Drvar", a objaviće se i na oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krmeta, s.r.

Broj: 01-02-579-1/24
Drvar, 18.04.2024.godine

44

Na osnovu člana 46. i člana 51. a u vezi sa članom 53. Zakona o eksproprijaciji ("Službene novine F BiH", broj: 70/07, 36/10, 25/12 i 34/16), člana 42. stav 2. alineja 4. Statuta Opštine Drvar – Prečišćeni tekst ("Službeni glasnik Opštine Drvar," broj: 2/15) , Opštinsko vijeće Drvar na 21. sjednici održanoj 18.04.2024.godine donijelo je

O D L U K U

o visini naknade za m² poljoprivrednog,
građevinskog i šumskog zemljišta koje se
ekspropriše u Opštini Drvar za 2024. godinu

Član 1.

Ovom Odlukom utvrđuje se okvirna početna visina naknade za m² građevinskog i poljoprivrednog i šumskog zemljišta u državnom i privatnom vlasništvu/posjedu koje se preuzima, odnosno izuzima u postupku eksproprijacije od ranijih vlasnika kod utvrđivanja javnog interesa na području opštine Drvar u 2024 godini.

Član 2.

Naknada za ekspropisano poljoprivredno i građevinsko zemljište iz člana 1. ove Odluke određuje se u skladu sa članom 53. Zakona o eksproprijaciji ("Službene novine F BiH", broj: 70/07, 36/10, 25/12 i 34/16) kao tržišna vrijednost u novcu, a prema zonama gradskog građevinskog zemljišta i ostalog građevinskog zemljišta definisanih Odlukom o građevinskom zemljištu ("Službeni glasnik Opštine Drvar", broj: 7/19), u visini kako slijedi:

1. Gradsko građevinsko i poljoprivredno zemljište koje se nalazi unutar urbanog područja iznosi:
 - a. I zona 10,00 KM za 1 m² zemljišta
 - b. II zona 8,00 KM za 1 m² zemljišta
 - c. III zona 6,00 KM za 1 m² zemljišta
2. Ostalo građevinsko i poljoprivredno zemljište u zonama van urbanog područja iznosi:
 - a. I zona 4,00 KM za 1 m² zemljišta
 - b. II zona 3,00 KM za 1 m² zemljišta
 - c. III zona 2,00 KM za 1 m² zemljišta

Član 3.

Naknada za ekspropisano zemljište pod šumom određuje se u visini naknade koja bi se odredila za najbliži pašnjak istog položaja i naknade za drvenu masu.

Naknada za neplodno zemljište, kamenjar i slično određuje se u visini naknade koja bi se odredila za pašnjak najniže klase u istoj katastarskoj opštini.

Komisija za utvrđivanje prometne vrijednosti nekretnina Opštine Drvar procjenjuje vrijednost zemljišta u skladu sa članom 2. ove Odluke.

Član 4.

Visina naknade iz člana 2. ove Odluke usklađivati će se u toku godine prema potrebi, u skladu sa promjenom prometne vrijednosti zemljišta pribavljanjem podataka o prometnoj vrijednosti nekretnina od Komisije za utvrđivanje prometne vrijednosti nekretnina Opštine Drvar.

Usklađivanje visine naknade, u posebnim slučajevima, a naročito kod privođenja zemljišta trajnoj namjeni radi izgradnje objekata nekomercijalne namjene (obrazovnih, kulturnih, zdravstvenih, vjerskih, saobraćajnih, vodnih i sl.),

može se uraditi angažovanjem stalnog sudskog vještaka građevinske struke.

Član 5.

Visina naknade za zemljište iz člana 1. ove Odluke utvrđuje se rješenjem.

Visina naknade za preuzeto, odnosno izuzeto i ekspropisano zemljište u cilju privođenja trajnoj namjeni, nakon zaključivanja sporazuma između vlasnika predmetnog zemljišta i Opštinskog načelnika, utvrđuje rješenjem opštinska služba za imovinsko-pravne i geodetske poslove.

Član 6.

Ova Odluka stupa na snagu osmog dana od dana objavljivanja u "Službenom glasniku Opštine Drvar", a objaviće se i na oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-571-1/24
Drvar, 18.04.2024.godine

45

Na osnovu člana 42. stav 2. alineja 18., a u vezi sa članom 12. Statuta Opštine Drvar - Prečišćeni tekst („Službeni glasnik Opštine Drvar“, broj: 2/15), člana 17. stav 1. Zakona o ministarskim, vladinim i drugim imenovanjima F BiH („Službene novine F BiH“, broj: 12/03, 34/03 i 65/03), nakon razmatranja Preporuke Ombudsmana Bosne i Hercegovine, broj: P-50/24 od 19.02.2024.godine, Opštinsko vijeće Drvar na 21. sjednici održanoj dana 18.04.2024. godine, donijelo je

ODLUKU

o prihvatanju Preporuka Ombudsmana BiH,
broj: P-50/24 od 19.02.2024.godine

Član 1.

Opštinsko vijeće Drvar ovom Odlukom prihvata Preporuke Ombudsmana BiH, broj: P-50/24 od 19.02.2024.godine.

Član 2.

Opštinsko vijeće Drvar postupiće u skladu sa tačkom 1. Preporuka Ombudsmana BiH, broj: P-50/24 od 19.02.2024.godine, na način da Opštinsko vijeće ponovi dio postupka provedenog u skladu sa Odlukom o raspisivanju javnog konkursa za imenovanje predsjednika i dva člana Skupštine, predsjednika i dva člana Nadzornog odbora JP

"Komunalac Drvar" d.o.o.Drvar, predsjednika i dva člana Skupštine, predsjednika i dva člana Nadzornog odbora JP "Radio stanica Drvar" d.o.o.Drvar („Službeni glasnik Opštine Drvar“, broj: 2/22).

Opštinsko vijeće Drvar ponovito postupak iz stava 1.ovog člana u dijelu razmatranja prijedloga Rang liste sa preporukom Komisije za izbor, broj: 01-02-2138/23 od 16.06.2023.godine na narednoj sjednici.

Član 3.

Opštinsko vijeće Drvar u skladu sa tačkom 2. Preporuka Ombudsmana BiH broj: P-50/24 od 19.02.2024.godine nalaže Komisiji za statutarna pitanja, Poslovnik i propise Opštinskog vijeća Drvar da u razumnom roku pristupi izradi i utvrdi Poslovnik o izmjenama i dopunama Poslovnika o radu Opštinskog vijeća Drvar.

Član 4.

Ova Odluka stupa na snagu prvog dana od dana objavljivanja u „Službenom glasniku Opštine Drvar“, a objaviće se i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-753-2/24
Drvar, 18.04.2024.godine

46

Na osnovu člana 42. stav 2. alineja 18. Statuta Opštine Drvar - Prečišćeni tekst („Službeni glasnik Opštine Drvar“, broj: 2/15), a u vezi sa članom 4., 42. i 43. Zakona o javnom pravobranilaštvu („Narodne novine HBŽ“, broj: 1/97, 8/03 i 1/13) i Mišljenja Ministarstva pravosuđa i uprave HBŽ, broj: 04-03-02-213/23 od 24.11.2023. godine, Opštinsko vijeće Drvar na 21. sjednici održanoj dana 18.04.2024. godine donijelo je

ODLUKU

o davanju ovlaštenja za odlučivanje o pravima i dužnostima iz radnog odnosa namještenika u Opštinskom javnom pravobranilaštvu u Drvaru

Član 1.

Opštinsko vijeće Drvar daje ovlaštenje sekretaru Opštinskog vijeća Drvar da odlučuje o pravima i dužnostima iz radnog odnosa namještenika, Višeg samostalnog referenta za

administrativno - tehničke i računovodstvene poslove u Opštinskom javnom pravobranilaštvu u Drvaru na osnovu zakona, opštih akata Opštinskog javnog pravobranilaštva u Drvaru, Opštine Drvar i drugih propisa do popune upražnjene pozicije Opštinskog javnog pravobranioca u Drvaru za područje opštine Drvar i Bosansko Grahovo.

Član 2.

Ova Odluka stupa na snagu danom donošenja, a objaviće se u „Službenom glasniku Opštine Drvar“ i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1288/24
Drvar, 18.04.2024.godine

47

Na osnovu člana 42. stav 2. alineja 18. Statuta Opštine Drvar - Prečišćeni tekst („Službeni glasnik Opštine Drvar“, broj: 2/15), a u vezi sa članom 4., 42. i 43. Zakona o javnom pravobranilaštvu („Narodne novine HBŽ“, broj: 1/97, 8/03 i 1/13) i Mišljenja Ministarstva pravosuđa i uprave HBŽ, broj: 04-03-02-213/23 od 24.11.2023.godine, Opštinsko vijeće Drvar na 21. sjednici održanoj dana 18.04.2024.godine donijelo je

ODLUKU

**O potvrđivanju Odluke
Opštinskog javnog pravobranilaštva Drvar,
broj: JP-17/21 od 15.04.2021.godine**

Član 1.

Opštinsko vijeće Drvar potvrđuje Odluku Opštinskog javnog pravobranilaštva Drvar, broj:JP-17/21 od 15.04.2021.godine koja je na snazi od 15.04.2021.godine.

Član 2.

Ova Odluka stupa na snagu danom donošenja, a objaviće se u „Službenom glasniku Opštine Drvar“ i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1287/24
Drvar, 18.04.2024.godine

48

Na osnovu člana 15. stav 1. Odluke o osnivanju Javne ustanove "Centar za socijalni rad Drvar" broj: 01-02-1153-1/24 od 18.04.2024.godine i člana 42. stav 2. alineja 18. a u vezi sa članom 49. Statuta Opštine Drvar – Prečišćeni tekst („Službeni glasnik Opštine Drvar“, broj: 2/15), Opštinsko vijeće Drvar na 21. sjednici održanoj 18.04.2024.godine, donijelo je

RJEŠENJE

I

OVLAŠĆUJE SE Maja Pilipović -diplomirani pravnik, VSS, iz Drvara, broj lične karte 31140128M, izdata od MUP Kanton 10, Drvar da izvrši sve radnje neophodne za registraciju i upis Javne ustanove „Centar za socijalni rad Drvar“ Drvar kod nadležnih organa.

II

Po realizaciji radnji iz tačke I ovog Rješenja, imenovana je u obavezi da podnese izvještaj Opštinskom vijeću Drvar i Opštinskom načelniku.

III

Ovo Rješenje stupa na snagu osmog dana od dana objavljivanja u „Službenom glasniku Opštine Drvar“, a objaviće se i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-1153-1/24
Drvar, 18.04.2024.godine

49

Na osnovu člana 42. stav 2. alineja 18. Statuta Opštine Drvar - Prečišćeni tekst („Službeni glasnik Opštine Drvar“, broj: 2/15), nakon razmatranja Inicijative Srpskog nacionalnog pokreta F BiH putem Kluba nezavisnih odbornika u OV Drvar od 23.02.2024.godine, Opštinsko vijeće Drvar na 21.sjednici održanoj 18.04.2024.godine, donijelo je

ZAKLJUČAK o pokretanju postupka preispitivanja primjene Odluke o komunalnoj naknadi

Član 1.

Opštinsko vijeće Drvar usvaja Inicijativu Srpskog nacionalnog pokreta F BiH putem Kluba nezavisnih odbornika u Opštinskom vijeću Drvar od 23.02.2024.godine i zadužuje Opštinsku načelnicu da

pokrene postupak preispitivanja primjene Odluke o komunalnoj naknadi („Službeni glasnik Opštine Drvar“, broj: 3/18 i 4/18).

Opštinska načelnica će dostaviti Opštinskom vijeću Drvar informaciju nakon okončanja postupka preispitivanja iz stava 1.ovog člana.

Član 2.

Ovaj Zaključak stupa na snagu danom donošenja, a objaviće se u „Službenom glasniku Opštine Drvar“ i na Oglasnoj tabli Opštine Drvar.

Bosna i Hercegovina
Federacija Bosne i Hercegovine
Kanton 10
Opštinsko vijeće Drvar

PREDSJEDNIK
OPŠTINSKOG VIJEĆA
Vanja Krneta, s.r.

Broj: 01-02-629-1/24
Drvar, 18.04.2024.godine

OPŠTINSKI NAČELNIK

50

Na osnovu člana 49. stav 1. alineja 2. Statuta Opštine Drvar – prečišćeni tekst ("Službeni glasnik Opštine Drvar", broj: 2/15), a u vezi sa članom 27. Odluke o platama i naknadama opštinskih funkcionera, savjetnika, državnih službenika, namještenika i zaposlenika u organima uprave Opštine Drvar ("Službeni glasnik Opštine Drvar", broj: 7/23), Opštinski načelnik donosi

ODLUKU

**o troškovima prevoza na posao i s posla
funkcionera, savjetnika, državnih
službenika, namještenika i zaposlenih u
organu uprave Opštine Drvar**

I – OSNOVNE ODREDBE

Član 1

(Predmet)

Ovom odlukom utvrđuje se visina, način i postupak ostvarivanja prava na naknadu troškova prijevoza na posao i sa posla funkcionera, savjetnika, državnih službenika, namještenika i zaposlenika (u daljem tekstu: radnici) u jedinstvenom organu uprave Opštine Drvar.

Član 2.

(Pravo na naknadu troškova)

Radnici iz člana 1. ove Odluke imaju pravo na naknadu troškova prevoza ako je mjesto stanovanja udaljeno od mjesta rada najmanje 3 (tri) kilometra u jednom smjeru.

Kod utvrđivanja udaljenosti mjesta stanovanja do mjesta rada koristi se najkraća relacija, koju utvrđuje nadležna Služba za imovinsko pravne i geodetske poslove.

Udaljenost od mjesta stanovanja do mjesta rada iskazuje se u kilometrima.

Pod mjestom stanovanja u smislu stava (1) ovog člana podrazumjeva se mjesto u kojem radnik ima prijavu prebivališta, odnosno mjesto iz kojeg radnik dolazi na posao i odlazi sa posla.

Član 3. (Način obračuna naknade)

Ako je mjesto stanovanja radnika udaljeno najmanje tri kilometra od mjesta rada, naknada se obračunava na sljedeći način:

- Radnici kojima je mjesto stanovanja udaljeno od mjesta rada od 3-6 km imaju pravo na naknadu za troškove prevoza na posao i sa posla u visini od 4,00 KM (slovima: četiri konvertibilne marke) po radnom danu,
- Radnici kojima je mjesto stanovanja udaljeno od mjesta rada od 6-11 km imaju pravo na naknadu za troškove prevoza na posao i sa posla u visini od 5,00 KM (slovima: pet konvertibilnih maraka) po radnom danu,
- Radnici kojima je mjesto stanovanja udaljeno od mjesta rada preko 11 km imaju pravo na naknadu za troškove prevoza na posao i sa posla u visini od 6,00 KM (slovima: šest konvertibilnih maraka) po radnom danu.

Član 4. (Postupak ostvarivanja prava na naknadu)

Radnici iz člana 1. ove Odluke koji ostvaruju pravo na naknadu troškova prijevoza dužni su Službi za opštu upravu i društvene djelatnosti dostaviti:

- Izjavu o mjestu stanovanja i mjestu rada, koju daje pod disciplinskom, kaznenom, materijalnom i moralnom odgovornošću (Obrazac - Izjava je sastavni dio ove Odluke),
- Zahtjev za naknadu troškova prijevoza,
- Potvrdu o prebivalištu koju izdaje CIPS, a koja ne smije biti starija od 3. mjeseca

Na osnovu priložene dokumentacije iz prethodnog stava Opštinski načelnik donosi rješenje o pravu radnika na naknadu troškova prijevoza.

Opštinski načelnik obavezan je na oglasnoj tabli objaviti popis radnika i relaciju na kojoj ostvaruju pravo na naknadu troškova prijevoza.

Član 5. (Istinitost podataka)

Dostavljanje lažnih podataka, kao i ne prijavljivanje promjene podataka Službi za opštu upravu i društvene djelatnosti, koji mogu uticati na ostvarivanje navedenog prava, smatra se materijalnom štetom i podliježe odgovornosti u skladu sa zakonom.

Opštinski načelnik može imenovati posebnu komisiju sa zadatkom provjere zloupotrebe korištenja predmetne naknade.

II PRELAZNE I ZAVRŠNE ODREDBE

Član 6.

(Prestanak važenja)

Danom stupanja na snagu ove Odluke prestaje da važi Odluka o utvrđivanju visine naknade za troškove prevoza na posao i sa posla („Službeni glasnik Opštine Drvar“, broj:10/11).

Član 7. (Donošenje rješenja)

Opštinski načelnik dužan je u roku od 15 dana od dana stupanja na snagu ove Odluke donijeti rješenja o pravu radnika na naknadu troškova prevoza na posao i sa posla.

Član 8. (Stupanje na snagu)

Ova Odluka stupa na snagu osmog dana od dana objavljivanja u Službenom glasniku Opštine Drvar.

Bosna i Hercegovina
Federacija Bosne i Hercegovine
Kanton 10
Opština Drvar
Opštinski načelnik

OPŠTINSKI NAČELNIK
Dušica Runić, s.r.

Broj: 02-04-1475/24
Drvar, 15.05.2024.godine

Ime, prezime i JMBG radnika:

Mjesto stanovanja radnika:

Adresa stanovanja radnika:

IZJAVA

o mjestu stanovanja i mjestu rada

kojom ja, _____

pod punom disciplinskom, kaznenom, materijalnom i moralnom odgovornošću izjavljujem da je moja:

- adresa stanovanja

- mjesto stanovanja

- mjesto rada

- adresa rada

Mjesto i datum, _____

Potpis radnika

SADRŽAJ

OPŠTINSKO VIJEĆE

strana

Akti sa 21.sjednice Opštinskog vijeća Drvar odžane 18.04.2024.godine

37. Odluka o izmjenama i dopunama Odluke o izvršenju Budžeta Opštine Drvar za 2024.godinu.....	1
38. Odluka o davnju saglasnosti na Odluku o izboru kandidata ravnatelja/direktora Osnovne škole „Drvar“ Drvar.....	1
39. Odluka o osnivanju Javne ustanove „Centar za socijalni rad Drvar“.....	2
40. Odluka o razrješenju predsjednika i članova Opštinske izborne komisije Drvar.....	4
40a. Rješenje CIK	4
41. Odluka o imenovanju 2 (dva) člana Opštinske izborne komisije Drvar.....	5
41a. Rješenje CIK	5
42. Odluka o imenovanju zamjenskog člana Opštinske izborne komisije.....	7
42a. Rješenje CIK	7
43. Odluka o visini naknade za m2 gradskog građevinskog zemljišta u Opštini Drvar za 2024.godinu.....	8
44. Odluka o visini naknade za m2 poljoprivrednog, građevinskog i šumskog zemljišta koje se ekspropriše u Opštini Drvar za 2024.godinu.....	8
45. Odluka o prihvatanju Preporuka Ombudsmena BiH; broj: P-50/24 od 19.02.2024.godine.....	9
46. Odluka o davnju ovlaštenja za odlučivanje o pravima I dužnostima iz radnog odnosa namještenika u Opštinskom javnom pravobranilaštvu u Drvaru.....	10
47. Odluka o potvrđivanju Odluke Opštinskog javnog pravobranilaštva Drvar, broj:JP-17/21 od 15.04.2021.godine.....	10
48. Rješenje o ovlaštenju lica za registraciju Centra za socijalni rad Drvar	11
49. Zaključak o pokretanju postupka preispitivanja primjene Odluke o komunalnoj naknadi.....	11

Akti Opštinske načelnice

50. Odluka o troškovima prevoza na posao i s posla funkcionera, savjetnika, državnih službenika, namještenika i zaposlenih u organu uprave Opštine Drvar	11
---	----

IZDAVAČ: Stručna služba Opštinskog vijeća Drvar, Titova br. 1, telefon: 034/820-163, izlazi u skladu sa potrebama.
Odgovorni urednik: sekretar Opštinskog vijeća. Pretplata se utvrđuje godišnje i iznosi 100,00 KM, a uplata se vrši unaprijed na žiro-račun Opštine Drvar, broj: 1549995000539591, kod INTESA SANPAOLO BANKE DRVAR, sa naznakom: Pretplata na „Službeni glasnik Opštine Drvar“, šifra Opštine: 027, vrsta prihoda: 722631

Web izdanje: <http://www.opstinadrvar.net>